

ՀՈԿՏ. 13-Ի ԹՕԲԵԼԵԱՆԻ ՏՕՆԱԳՍԱՐՈՒՄԸ

Որոշումն.

1) Համարել մի ամբողջ տարի, այն է 1912 թ. հոկտ. 13-ից մինչև 1913 թ. հոկտ. 13 ը, յօրելիանական տարի, ի յիշատակ հայ գրերի զիւտի 1500-ամեակի և և հայ տպագրութեան 400 ամեակի:

2) Եօրելիանի բացումը կատարել հանդիսաւորապէս առաջիկայ հոկտ. 13 ին, և թարգմանչաց տօնի օրը:

3) Եօրելիանի հանդիսաւոր փակումը կատարել 1913 թ. հոկտ. 12-ին, զարձեալ ս. թարգմանչաց տօնի օրը, հրաւիրելով հանդէսին բոլոր նշանաւոր հայագէտներին, բանասէրներին, առանց դաւանութեան խտրութեան, ինչպէս և օտարազգի նշանաւոր հայագէտներին, նաև ազգային բոլոր կրթական, լուսաւորական, բարեգործական, գիտական և կուլտուրական հաստատութիւնների ներկայացուցիչներին:

4) Ամբողջ տարուայ ընթացքում կատարել հանգանակութիւն յօգուտ դպրոցական ֆօնդի, ըստ առանձին հրահանգի, որ կը մշակուի՝ հանգանակութեան թոյլտուութիւնը Փոխարքայից ստանալուց յետոյ:

5) Ամբողջ տարուայ ընթացքում յարարելութեան մէջ մանել բոլոր հաստատութիւնների հետ, որպէս զի 1913 թ. հոկտ. 13-ի հանդէսը լինի արդարև համաժողովրդական և համազգային:

Այս որոշումը հաստատուել է Ամենայն Հայոց Կաթողիկոսից:

Էջմիածնից դուրս լինելիք տօնակատարութիւնը և Էջմիածնում կատարուելիք հանդէսները:

ա) Էջմիածնից դուրս տօնուելու է այսպէս.

1) Բոլոր եկեղեցիներում սեպտեմբերի 30-ին և հոկտեմբերի 7 ին, կիրակի օրերը, նախօրօք ծանուցում անել ժողովուրդին հոկտեմբերի 13—14 ին կատարուելիք հանդէսների մասին:

2) Հոկտեմբերի 13-ին, շաբաթ, ս. թարգմանչաց տօնի օրը՝ հանդիսաւոր պատարագ մատուցանել և քարոզի մէջ բացատրել երկու մեծ տօների պատմական նշանակութիւնը, դրուատելով ս. Մեսրոպի, ս. Սահակի, ս. թարգմանչաց և ազգազրութեան արուեստի զլիսաւոր վաստակաւորների յիշատակը:

Պատարագից յետոյ հոգեհանգիստ հայ գրականութեան և ազգազրութեան վաստակաւորների համար:

Պատարագին և հոգեհանգստեան ներկայեն լինելու եկեղեցական, դպրոցական և ազգային հաստատութիւնների ներկայացուցիչներն ու վարչութիւններն ամբողջ կազմով աշակերտութեան հետ:

3) Հոկտեմբերի 14-ին, կիրակի, հանդիսաւոր պատարագ և ազգա Հայրապետական մաղթանք նոյն կազմով:

Պատարագից յետոյ, ցերեկը կամ երեկոյեան՝ տեղական յարմարութեան համաձայն՝ կատարուել է դպրոցական հանդէս եկեղեցական, կրթական և այլ ազգային

հաստատութիւնների պաշտօնատար անձանց ներկայութեամբ: Հանդէսը բացուել է շաբաթ ամբողջ և շնորհակալ Մովսիսի թարգմանչաց շարականով: Լինում են պատշաճ բանախօսութիւններ տօնի նշանակութիւնը բացատրող, մէջ ընդ մէջ ոտանաւորներով, երգերով և նուագածութեամբ՝ ուր հնարաւոր է:

Հանդիսի սկզբում կամ վերջում աշակերտութեան ձրիապէս բաժանուել են Մայր Աթոռի այդ առիթով հրատարակած հանրամատչելի գրքոյկները: Գպրոցական վարչութիւնները կարող են իրենց կողմից ևս յարմար նուէրներ, գրքեր, պատկերներ աւել սաներին:

Ժամօթ.—Շատ եկեղեցիներ ունեցող կիւղրոններում եկեղեցական հանդէսները կարող են կատարել մի կամ մի քանի եկեղեցիներում հոգեւոր վարչութեան կարգադրութեամբ:

բ) Էջմիածնում տօնուելու է հետևեալ ձևով. Ուրբաթ, հոկտեմբերի 12 ի երեկոյեան Նորին Վեհափառութիւնը հանդիսաւոր թափօրով իջնում է Մայր Տաճար, ուր տեղի կուենեայ նախատօնակ ս. թարգմանչաց յիշատակին:

Շաբաթ (ս. թարգմանչաց տօնին՝ հոկտեմբերի 13) հանդիսաւոր գնացք Նորին Վեհափառութեան յՈչակոն՝ ուղեկցութեամբ ամբողջ միարանութեան և պատգամաւորութիւններին:

Պատարագ ս. Մեսրոպի դերեզմանի վրայ: Հայրապետական մաղթանք:

Պատարագից յետոյ պատգամաւորների բանախօսութիւններ, հեռագիրների և ուղերձների ընթերցում ս. Մեսրոպի եկեղեցու բակում:

Կիրակի, հոկտեմբերի 14-ին, Մայր Տաճարի իջման սեղանի վրայ հանդիսաւոր պատարագ, ապա հոգեհանգիստ գրի և ազգազրութեան վաստակաւորների յիշատակին:

Նոյն օրը պատարագից յետոյ կը լինի ցերեկոյթ երաժշտութեամբ և երգեցողութեամբ:

Շաբաթ և կիրակի երեկոյեանը հրապարտութիւն և երաժշտութիւն Վտնքի և ճեմարանի բակում:

Ժամօթ.—Գպրոցական ֆօնդի համար ժամանակին կը լինի առանձին կարգադրութիւն:

ԻՆՉՈՒԻ ԺՈՂՈՎՈՒԹԻՒԹԸ ՕՐՄԱՆԵԱՆ ՍՐԲԱԶԱՆԻ ԹԵՐ ԵԼԱԻ

Չորս տարի առաջ, երբ սահմանադրութիւն հաշակուեցաւ և հաւատարութիւն, եղբայրութիւն, ազատութիւն, արդարութիւն խօսքերը տարածուեցան, հայ ժողովուրդը կարծեց, որ հաւատարութիւն, եղբայրութիւն, արդարութիւն՝ ազատութիւն պիտի վայելէ և կեանքի, պատուի, ինչքի ապահովութիւն պիտի գտնէ:

Յեղ. կուսակցութիւնները զէնքերին վար դրին, լեռներէն վար իջան և սկսան համարուելու երեկուան թիւրքերուն հետ իսկ: